



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 1. Vtrum per scientiam infusam Christus omnia nouerit.

---

[urn:nbn:de:hbz:466:1-72898](#)

76 Qu. 11. De Scientia per se infusa Animæ Christi. Art. 1. Dub. 1.

Prior pars Probatur, Quia in Verbo cognoscit omnia quæ sunt in potentia creature: atqui hæc sunt infinita: ergo cognoscit infinita in potentia. Sed aduerte, hanc rationem non videri omnino firmam. Primo, Quia credibile est virtute causarum naturalium, non posse fieri infinitas species substantiarum: feminum enim diuersitas finita est. Quæ vero ex patre materia gignuntur, etiam finita esse videntur. Neque videntur haec infinitis modis posse misceri; quia ferè omnibus seculis eadem prouenient, & pauca noua emergunt. Deinde; Quia alioquin Angeli naturaliter infinita actu cognoscerent, nam comprehendunt virtutem cœlorum & clementorum. Individua quidem quæ in potentia creature continentur, infinita sunt; sed non ex eo, quod vis creaturæ comprehenditur, etiam omnia, quæ ab illâ produci possunt, distinctè cognoscuntur; alioqui Angeli etiam naturaliter cognoscerent infinitum. Ratio est; Quia individuatione pendet etiam ab influxu diuino; & forte à determinacione diuinæ voluntatis. Ideo enim agente igne, hic potius ignis, quam ille emicat; qui præter causas & circumstantias creatas, quæ ad individuationem, vel directè vel occasionaliter concurront, etiam Deus tali influxu concurrit; & fortassis decernit sua voluntate, ut hoc potius, quam illud individuum fiat.

Secunda pars Probatur: Numerus omnium substantiarum, quæ vñquam futuræ sunt, est finitus; nam ortus & interitus finem capient: ergo Christi Animæ non cognoscit in Verbo infinitas substantias actu existentes. Hinc sequitur iuxta

D. Thomam Christi Animam simplici intelligi. Expl. D. Thomas de regni substantias, non tam scientia visionis. Forte tamen non vult illas infinitas substantias omnino distinctè cognosci, sed confusè pro ut fas est creaturæ. Sicut quando cognoscitur vniuersale, cognoscuntur quodammodo infinita: ut insinuat ad 2.

ARTICVLVS IV.  
Vtrum Animæ Christi clarissima vi-  
deat diuinam essentiam, quam  
alia quævis creatura?

R Espondetur affirmatiuè. Ratio est, Quia est coniuncta Verbo hypostaticè: ergo oportet ut clarissima cernat ipsum Verbum, quam quævis alia creatura, non tam arctè coniuncta. Notandum est, Sicut gratia habitualis Animæ Christi, est summa secundum potentiam ordinariam, ut supra dictum est; ita & lumen beatificum, & visione beatifica est summa secundum eandem potentiam. At iuxta potentiam absolutam potest dari perfectius lumen, & perfectior visio; nam hac, sine termino possunt augeri. Vnde fallitur Caietus, dum existimat visionem beatificam Animæ Christi esse summam, iuxta potentiam absolutam. Vtrum autem Angelus cum eodem lumine perfectius esset visurus Deum, quam Animæ Christi, non est huius loci.

Q VÆSTI O XI.

De Scientia per se infusa Animæ Christi.

In Sex Articulos divisa.

ARTICVLVS I.

Vtrum per Scientiam infusam  
Christus omnia nouerit?

R Espondetur affirmatiuè: Christus omnia naturalia & supernaturalia cognovit per scientiam infusam; excepta tamen essentia diuinâ.

DVBIVM I.

Vtrum Animæ Christi per hanc Scientiam in-  
fusam cognoverit res omnes naturales; cor-  
porales scilicet & spirituales, quas Angeli per  
suam scientiam naturalem cognoscunt?

<sup>2.</sup> R Espondeo; Illam has omnes cognouisse, & quidem perfectius quam Angeli cognoscunt. Ita D. Thomas hoc loco, & pasim Doctores huius etatis: & Marsilius in 3. Sentent. quælt. 10. art. 2.

Probatur Primo, Quia si per solam naturalem scientiam Animæ Christi ista cognouisset, longè

fuisse superata ab Angelis in cognitione rerum in proprio genere, sive extra Verbum: nam Angelorum cognitionis naturalis erat longè perfectior, quam cognitionis naturalis Animæ Christi; ut suppono tamquam certum: atqui id minimè erat conueniens: quin potius sicuti cognoscebat eas in Verbo per cognitionem matutinam perfectius quam Angeli; sic omnino erat consentaneum, ut etiam cognosceret eas in proprio genere per cognitionem vespertinam perfectius quam Angeli.

Probatur Secundo, Hæc cognitionis infusa rerum naturalium facile dari poterat illi animæ, & quidem in ea perfectione, ut superaret cognitionem Angelicam; idque illi quodammodo erat debitum: ergo re ipsa erat collatum. Confirmatur; Sicut enim voluntati datur virtutes supernaturales respectu eorumdem obiectorum, ad quæ disponitur virtutibus naturalibus; ita intellectui potest conferri lumen supernaturale evidens, ad eadem obiecta cognoscenda, quæ naturali lumine cognoscuntur. Nam idem obiectum materiale, respectu diuersa luminis, subit diuersam rationem formalē: ut patet in obiecto sensus & intellectus; in obiecto intellectus humani & Angelici. Pari modo in obiecto luminis naturalis & supernaturalis.

Ex his

Qu. 11. De Scientia per se infusa Anima Christi. Art. 1. Dub. 2. 3. 77

<sup>3</sup>  
Singulare  
existentia  
cognovit  
intuitus.

Ex his sequitur, Christi Animam per hanc scientiam intuitiuē posse cognoscere quēuis singularia actu existentia: omneque eorum actiones internas & externas naturales, siue ad hoc necessariae sint species, siue non; vt recte hic docet D. Thomas. Ratio est; Tūm, quia Angeli possunt hec intuitiuē cognoscere, exceptis cordium cogitationibus: tūm, quia haec cognitio est necessaria ad perfectam prudentiam & prouidentiam, qua verlatur circa singulari. Atqui in Christo est prudentia & prouidentia vniuersaljs circa res omnes quae sunt in mundo; omnia enim sunt ipsi subiecta. Psal. 8. & Matth. ultimum. Et pse est omnium Index.

D V B I V M II.

Vtrum Christi Anima per hanc Scientiam cognoscat res supernaturales?

<sup>4</sup>  
Cognovit  
supernatu-  
ralia.

R Espondeo; Cognoscere clarē & intuitiuē omnes res supernaturales, siue substantia, siue modo solum tales sint: Excipio tamen diuinā essentiam. Itaque videt omnia dona supernaturalia infusa, corumque actus &c. Colligitur hoc ex D. Thom. & est communis DD. huius artatis..

Probatur; Nam haec cognitio est possibilis extra Verbum; estque valde consentanea, & quodāmodo necessaria Christo; ergo hanc habet. Quod sit possibilis patet; quia haec res omnes sunt creatæ & finitæ: ergo possunt per proprias species representari, vel per se ipfas immediate (cum sint spirituales, instar specierum intelligibilium) cum intellectu concurrere. Vnde ex parte obiecti non est difficultas. Sed neque ex parte potentiarum: quia facile est Deo dare lumen creatum eiusdem ordinis, quo res iste videantur. Quod autem sit Christo debita, patet; quia ipse nobis omnium bonorum supernaturalium est auctor: Est enim Auctor fidei & consummator, ad Hebr. 12. v. 2: ergo non potest haec dona ignorare.

Sed contrā Objicitur Primo; Gratia est participatio diuinæ naturæ: ergo non potest secundum essentiam cognosci, nisi cognitā diuinā naturā, quae solā visione beatificā cognoscitur: ergo nec gratia sine hac cognosci potest.

<sup>5</sup>  
Cognitio  
clarē gra-  
tianæ non no-  
cessaria  
clarē co-  
gnoscitur  
diuinā  
essentia.

Respondeo; Sufficit diuinam naturā cognosci confuso quadam modo, & cognitione abstractua, vt clarē cognoscatur gratia. Ratio est; Quia gratia non habet ordinem ad diuinam naturam, vt ad causam intrinsecam; sed solum tamquam ad causam efficientem & exemplarem, quae sit quodammodo eiusdem ordinis; cum qua, ipsa gratia magnam conuenientiam habeat. Talis autem participationis cognitio non pendet à cognitione forma seu exemplaris, cuius est participatio: vt patet in lumine aëris, quod hoc modo est participatio lucis solaris; potest tamen secundum essentiam cognosci, eti non cognoscatur clarē essentiam lucis solaris. Idem dicendum de participatione reliquarum perfectionum diuinarum, Intellectus, Voluntatis, Sapientie, Charitatis, Iustitiae &c. Et Confirmatur; Quia ad cognitionem imaginis, non est necessaria clara cognitionis exemplaris, imago enim ducit in cognitionem exemplaris, non autem pendet ex illo eius cognitione.

Objicitur Secundū; Saltem visio beatifica co-

gnosci non poterit, nisi simul cognitā diuinā est. <sup>2. Obiectio</sup>  
sentia; quia immediatè ad eam tamquam presen-  
tem terminatur. Respondeo; Illam visionem, eti  
habeat essentiale respectum ad diuinam essen-  
tiā, tamquam ad obiectum præsens; tamen quia  
est res omnino distincta ab illa, & in sua specie fi-  
nita, potest in se videri, non visā essentia. Nec  
eius habitudo ad obiectum, ita pendet in cogni-  
tione ab obiecto, vt non possit sine obiecto viso  
videri; sufficit enim obiectum, in ea, tamquam in  
quadam sui imagine abstractiuē cognosci. Quod  
confirmatur; Quia Angelus potest videre visionē  
oculi mei, non viso eius obiecto. Similiter actus  
fidei & charitatis videri possunt non visis obie-  
ctis, sed solum abstractiuē cognitis.

Vnde aduertendum est; Quemuis Beatum tri-  
pliciter videre suam visionem beatificam. Primo, <sup>7</sup>  
Ipsā visione beatificā, in Verbo, vt in causa. Se-  
cundo, Visione eadē, quatenus ipsa concōmi-  
tantur est visio sui, scipsum menti manifestans: <sup>8</sup>  
nam omnis actus intellectus perfectus, scipsum  
manifestat; cō quod implicitè super se reflecatur.  
Sicut enim amans, eodem amore amat Deum, &  
vult amare; ita videns, eodem actu videt Deum,  
& videt se videre. Tertio, Potest eandem visio-  
nen videre actu distincto, per lumen scientiæ  
infusa. Nec opus est specie intelligibili: nam  
visio ipsa beatifica est obiectum intelligibile inti-  
mè præsens; ac proinde per se cum intellectu  
valens cooperari. At visionem beatificam quae  
est in altero, potest videre dupliciter: Primo,  
In Verbo. Secundo, In sua natura per scientiam  
infusam.

Addo tamen hanc visionem non posse com-  
prehensiū cognosci, nisi visā essentia. Quia ha-  
bet perfectissimam & immediatam habitudinem <sup>Nec visio</sup>  
ad diuinam essentiam, tamquam ad suum ter-  
minum; quae habitudo, eō perfectius cognosci-  
tur, quo perfectius cognoscitur eius essentia, vt <sup>beatifica</sup>  
est eius terminus. Idem ferè dicendum videtur  
de visione hypostatica, qua parte est quiddam  
creatum in naturā humana; non enim sine Ver-  
bi visione potest comprehendī: eius tamen na-  
tura & ratio vnicumque videatur cognosci posse  
per scientiam infusam; quia est quid creatum, &  
in se finitum: Sicut color, & eius inexistencia in  
lapide pretioso, clarē cognosci potest, non co-  
gnitā clarē naturā subiecta. Nec obstat quod haec  
vnio non possit comprehendī etiam visione beatifi-  
cā: quia hoc intelligendum, quatenus inclu-  
dit vnonem, quae est ex parte Verbi, quae com-  
prehensiū cognosci non potest; cum à Verbo  
re ipsa non distinguitur.

D V B I V M III.

Vtrum Anima Christi per Scientiam infusam  
cognoverit cordium cogitationes?

R Espondeo; Cognovisse clarē & intuitiuē <sup>9</sup>  
omnes cordium cogitationes, & omnes a-  
ctus liberos internos & externos creaturarum,  
dum actū fierent. Est communis sententia Do-  
ctorum dist. 14. & D. Thomæ hic.

Probatur; Quia haec cognitio non est valde  
difficilis: nam ad cognoscendos actus liberos, &  
mentis arcana, non requiritur maius lumen aut  
perfectio ex parte potentiarum, quam ad cognoscen-  
dum com-

G g iij

dum comprehensiū substantiam, potēcas, & habitus Angelorum & Animarum: Patet ex dictis in Prima parte; sed solum ex parte obiecti requiritur representatio illorum per species intelligibiles, quas Anima Christi facilē poterat diuino munere accipere. Deinde, Hęc cognitio valde erat consentanea & quadammodo debita Christo. Primò, Ob dignitatem Personæ. Secundò, Propter fidei prædicationem, quam sècè confirmabat ostendo se cognoscere aliorum cogitationes. Tertiò, Quia erat Caput & Index omnium, cuius intererat nosse omnium cogitationes. Vnde etiam nō debebat in hoc dependere ab aliorum locutione, sicut Angeli.

Dices; Christus cognovit has cogitationes per scientiam beatificam; quid ergo opus est illas rursus per aliam scientiam cognoscere extra Verbum? Respondeo, Quia non solum debebat illas cognoscere vt Beatus, sed etiam vt degens cum hominibus, hominēque docens; vt suprà dictum est.

## DVBIVM IV.

## Vtrum per hanc Scientiam cognoverit mysteria Diuinitatis?

10  
Mysteria  
Diuinitatis  
Ms.

R Espondeo; Eum per hanc Scientiam cognovisse euidenter ea quæ ad diuinam naturam, & personarum distinctionem pertinent; non tamen intuitiū.

Vbi notandum est, quædam mysteria pertinere ad Deum, vt Vnus est; quædam, vt Trinus. Rursus, Quæ ad eum pertinent, vt Vnus est, sunt duplicita: quædam enim pertinent ad eum, vt est Auctor naturæ; vt, esse Vnum, Creatorum, Omnipotentem; & similia. Ethęc possunt cognosci ex rebus naturalibus, vt patet ad Romanos 1. vers. 20. Alia autem pertinent ad eum, vt est auctor gratiæ, & finis supernaturalis; vt, quod sit obiectum beatitudinis clarè visibile, quod sit auctor gratiæ & gloriæ. Et hęc cognoscuntur a Christo per effectus supernaturales, quos ipse per scientiam infusam perfectè & clarè intuebatur. Hoc tamen modo Angeli non cognoscunt Deum scientiā naturali; quia non cognoscunt effectus supernaturales. Hęc cognitio est longè præstantior fidei; quia est supernaturalis, & euidentis.

II  
An cognoverit Mysteria  
Trinitatis.  
Ms.

Sed difficultas est: Quomodo per hanc Scientiam cognoverit mysterium Trinitatis: non enim satis est vt cognoverit illud visione beatifica; quia oportebat vt etiam cognosceret illud, vt viator confors viatorum. Et Confirmatur; Quia aliqui, vt viator non potuerint amare & venerari singulas Personas distinctione, iisque gratias agere: neque orare Patrem; nec instruere hominem de hoc mysterio. Latius quoque fides nostra se extendisset, quam cognitio supernaturalis, quæ ei, loco fidei data erat.

Dicendum igitur est Primò, Eum non cognovisse Trinitatem intuitiū per hanc Scientiam; quia intuitiū est beatifica. Secundò, Nec etiam abstractiū, cognoscendo quidditatem singularium Personarum: nam ad hanc videtur requiri lumen gloriæ; sicut & ad cognitionem diuinae essentiæ abstractiū. Nam eiusdem rationis est lumen, quo essentia aliqua perfectè cognoscitur cognitione abstractiū, & quo intuitiū; vt patet

in Angelis. Quod si lumen scientiæ infusum, non distinguitur à lumine gloriæ realiter, existimo non implicare, vt essentia diuina & personæ clare & distinctè cognoscatur abstractiū, ita tamen vt per eandem cognitionem non cognoscantur intuitiū: quamvis existimem nemini talem cognitionem dari; quia est imperfecta in suo genere, quando lumen est præsens; & etiam superflua, cùm visio abunde sufficiat.

Tertiò, Cognovit tamen hoc mysterium multis alijs modis per hanc Scientiam infusam. Primum, Quia perfectissimè intelligebat Scripturas, & de varijs alijs modis, 3. Modus, affirmat. In testimonio diuino, nec posse esse falsum: proinde euidenter cognoscet quidquid per illam erat creditum esse verum. Sed hi duo modi continent euidentiam tantummodo in testimonio diuino. Tertiò, Christus per scientiam beatam euidenter cognoscet Trinitatem; ac proinde per lumen naturale & infusum, non poterat hoc mysterium ignorare: quia quod intellectus altiori cognitione apprehendit, potest etiā inferiore sibi formare. Hinc ita erat illi euidentis mysterium Trinitatis, vt non posset ambigere, etiamsi per impossibile visio beatifica cessasset. Sicut alibi diximus de Paulo, qui si vidi diuinam essentiam in raptu, dum transit illa visio retinuit nihilominus euidentem cognitionem huius mysterij ex vi prioris cognitionis, tamquam ex clara quadam experientia. Quartò, Probabile est Christum Dominum per scientiam infusam, potuisse euidenter cognoscere actum visionis beatificæ; ac proinde obiectum huius actus, scilicet mysterium Sanctissimæ Trinitatis. Sicut Angelus, quia cognoscit actum internum alterius, etiā cognoscit illud esse verum, quod per illum actū indicatur, si in illo non posset esse error. Quinto, 4. Modus, potuit Deus hoc mysterium immediate revelare mæ Christi per quandam spiritualem locutionem, efficiendo vt perfectissimo modo per species infusas ex analogia creaturarum illud apprehenderet: quam locutionem seu revelationem Christus euidenter intuebatur, & cognoscet esse diuinam, quamvis hic modus fortè necessarius non fuerit.

## DVBIVM V.

## Vtrum per hanc Scientiam cognoscas etiam futura contingentia.

R Espondeo, cognoscere non solum quæ ex causis naturalibus, sed etiam quæ ex liberis 13 pendent. Est communior sententia Doctorum, Cognosuit D. Thomæ h̄c, quamvis in 3. dist. 14. quæst. vniuersitatis art. 3. tenetur contrarium, Durandi dist. 14. q. 13. Scoti ibidem. Marsilius quæst. 10. art. 2. & passim omnium hoc tempore.

Probatur; quia ista cognitio potest haberi à viatore: vt patet in multis Prophetis, qui futura clariū aut obscuriū praeviderunt. Ergo conscientaneum est, vt Christus tamquam viator, omnī futurorum euidentem prænotionem habuerit; præterim cùm haec cognitio sit necessaria ad perfectissimam

## Qu. 11. De Scientia per se infusa Anima Christi. Art. 1. Dub. 5. A. 2. 79

sestissimam prudentiam, & ad perfectum donum prophetiae.

<sup>14</sup> Sed difficultas est de modo quo ea cognovit! Respondeo & Dico Primo; Non intuituē. Neque enim propter realem presentiam futurorum in eternitate, vt quidam volunt: nam implicat vt sint realiter presentia eternitati per coexistentiali, nisi existant in propriis mensuris. Neque etiam propter presentiam obiectuum in eternitate: nam esse obiectum presens, nihil est aliud, nisi cognosci. Vnde dicere illa cognosci quia obiectum præsentia, nihil est aliud, quam dicere, ea cognosci, quia cognoscuntur, seu scientia obiectum: quod est petere principium. Neque etiam propter representationem specierum: nam species ex se non magis representant rem esse futuram, quam non esse futuram; sed abstrahit ab utroque: vt patet in speciebus Angelicis. Vnde quod futura videantur, non tam ex vi representationis specierum, quam ex efficacia luminis dependet; vel potius ex peculiari influxu diuino, qui nullā vi creatā potest suppleri.

<sup>15</sup> Dico Secundō; futura per hanc scientiam cognosci abstractiuē; non tamen ex vi representationis specierum. Quia eti possint per species apprehendi sicut sunt futura, non tamen iudicari utrum ita futura sint. Cū enim id quod apprehenditur, non est notum ex terminis, debet ex aliquo medio dijudicari, an ita sit, an non. Quod medium vel est causa illius, vel effectus, vel signum aliquid habens necessariam connexionem cum futuris: atqui nulla est talis causa futurorum, nec effectus, nec signum, præter testimonium eius, qui ea videt.

<sup>16</sup> In testimo-  
nio diuino. Vnde Dico Tertiō; Per hanc scientiam cognosci futura in testimonio diuino, quod illi erat euidens. Poterat enim Deus facere, vt apprehenderet futura cum suis circumstantijs: & quia illi euidens erat hanc apprehensionem, per diuinam locutionem fieri; etiam euidens erat, id quod apprehendebatur, verum esse; & tali modo, loco, tempore futurum. Addo; forte etiam per hanc scientiam futura cognosci in ipsa visione beatifica, qua cognoscebat res futuras in Verbo; nam videbat suam visionem: vnde probabile est, etiam sciuisse quid, & cum quibus circumstantijs video futurum. Sicut si quis in Deo vidisset futura, cessante illa visione posset cognoscere nihilominus illa esse futura; & illa visio haberet se per modum experientie, quā futura tamquam præterita iam esset expertus.

### ARTICVLVS II.

Vtrum Christus hac Scientiā uti potuerit, non convertendo se ad phantasmata?

<sup>16</sup> Non debuit  
uti phan-  
tasma  
ad hanc  
scientiam.

R Espondet affirmatiuē. Primo, Quia per hanc scientiam cognoscebat substantias spiritualia clara, & intuituē: atqui perfecta cognitionis spiritus, nullam habet dependentiam aut consensionem cum sensu internorum vel exterorum operatione: ergo &c. Secundo, Quia per hanc scientiam cognoscebat substantias corporales, non ut manifestantur ex sensibilibus, seu conceptu sensibiliū; sed purè & nudè, ut sunt

in seipso: ergo non pendebat ab vsu sensuum. Tertiō, Quia species huius scientiæ, non erat haustæ ex visu phantasie; neque similes illis, quæ inde formantur; sed altioris ordinis, & natura suā infusa: ergo &c.

Dices, Anima quamdiu est in corpore, postulat ut ad cognitionem intellectuam concurrat imaginatio; nec potest sine miraculo aliquid intelligere, nisi id ipsum per imaginationem formet: ergo Christus quamdiu erat in corpore mortali, pendebat in vsu huius scientiæ à cooperatione phantasie. Ob hoc argumentum Durandus in 3. dist. 14. quest. 3. num. 7. tenet Christi Animam nō potuisse uti scientiā infusa sine conversione adphantasmata; ac proinde non antea quam cōparasset ea sibi naturaliter ex rebus sensibilibus.

<sup>17</sup> Obiectio.  
Durandus.

Sed hæc sententia non est probabilis. Patet, tūm ex argumentis allatis: tūm, quia Christus ab initio conceptionis hæc scientiā vsus fuit: nam per eam omne meritum ipsius regulari debet; meruit enim ab initio. Atqui tunc non poterat naturaliter species phantasie comparare; tūm, quia non dependere à phantasia, est longè perfectius; nam hæc dependentia ab imbecillitate lumini perfuerit. Atqui hæc sententia in Christo erat perfectissima, nec ullam talem dependentiam postulat: ergo non debet hanc imperfectionem à subiecto trahere.

Ad Argumentum, Respondeo Primo: Etsi cognitionis naturalis in hac vita dependeat à phantasie cooperatione, non tamen cognitione supernaturalis perfecta & clara: nam procedit ex lumine quod perfectum est in vi intelligendi; nec habet illam imbecillitatem que est in lumine naturali nostri intellectus. Deinde, quia postulat species sublimiores, quæ res ipsas nudè & distinctè repræsentant. Resp. Secundō, Animam beatam habere hanc vim, ut possit sine dependentia à sensibus intelligere; vnde cū Anima Christi fuerit ab initio beatā; etiam hanc vim habuit.

Aduerte tamen, Christum per hanc scientiam potuisse applicare vim imaginativā ad perfectionem apprehensionis, & cognitionem rerum sensibilium, quam ipsa per se praestare possit. Sed hoc proueniebat ex perfectione huius scientiæ; non autem quod tali applicatione ad intelligendum egredit. Et sic intellige quod ait D. Tho. ad 3.

### ARTICVLVS III.

Vtrum hac Scientia fuerit collativa?

<sup>19</sup> R Espondet D. Thomas: hæc scientia in vsu poterat esse collativa seu discursiva; non tamen fuit acquisita per discursum, sed infusa.

Vbi Notandum est, hanc scientiam ex natura suā non fuisse discursivam, nec egruisse compositione vel divisione; sed simplici intelligentiā penetrasse omnia, multò perfectius cognoscendo conclusiones in principijs, & effectus in causis, quam per lumen Angelicum cognoscantur. Ratio est, quia lumen huius scientiæ erat efficacius, quam angelicum, & vtebatur speciebus vniuersalioribus: atqui hæc est causa cur Angeli non egeant discursu, compositione, aut divisione: ergo &c.

Gg iiii Con-